



# SLUŽBENE NOVINE KANTONA SARAJEVO

Godina XXVIII - Broj 17

Četvrtak, 13. 4. 2023. godine  
SARAJEVO

ISSN 1512-7052

## KANTON SARAJEVO

### Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćen tekst i 37/14 - Ispravka) i člana 29. stav (5), (6) i (7) Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14 - Ispravka, 13/14 i 8/15, 9/15, 102/15, 104/16, 5/18, 11/19, 99/19 i 25a/22), Vlada Kantona Sarajevo, na Drugoj sjednici održanoj 06.04.2023. godine, donijela je

### UREDBU

#### O IZMJENAMA I DOPUNAMA UREDBE O NAČINU I KRITERIJIMA ZA PRIPREMU, IZRADU I PRAČENJE REALIZACIJE PROGRAMA JAVNIH INVESTICIJA U KANTONU SARAJEVO

##### Član 1.

(Izmjena člana 6.)

(1) U Uredbi o načinu i kriterijima za pripremu, izradu i praćenje realizacije programa javnih investicija u Kantonu Sarajevo ("Službene novine Kantona Sarajevo", broj 20/15), u članu 6. stav (2) mijenja se i glasi:

"(2) PJI Federacije se priprema prema sljedećem kalendaru:

- a) do 15. februara - Federalno ministarstvo finansija dostavlja nadležnim ministarstvima informaciju o projektu sa zahtjevom za popunjavanje propisanog obrasca "Informacija o projektu" (u daljem tekstu: IP obrazac) koji se nalazi u prilogu ove uredbe i čini njen sastavni dio,
- b) do 31. marta- Federalnom ministarstvu finansija se dostavljaju popunjeni IP obrasci,
- c) do 30. maja - Federalno ministarstvo finansija priprema i Vladi Federacije dostavlja Nacrt PJI Federacije,
- d) do 15. juna - Vlada Federacije usvaja Nacrt PJI Federacije,
- e) do 15. septembra - nadležna ministarstva dostavljaju Federalnom ministarstvu finansija revidirane IP obrasce,
- f) do 10. oktobra Federalno ministarstvo finansija dostavlja Vladi Federacije Prijedlog PJI Federacije,

g) do 25. oktobra - Vlada Federacije donosi PJI Federacije."

- (2) U stavu (3) tačka a) riječi: " do 01. juna" zamjenjuju se riječima: " do 15. aprila".

##### Član 2.

(Izmjena člana 8.)

U članu 8. stav (3) mijenja se i glasi:

- "(3) Kantonalni koordinator, popunjene i ovjerene IP obrasce za projekte čija je ukupna vrijednost najmanje 2.000.000 KM, dostavlja Federalnom ministarstvu finansija do 31. marta".

##### Član 3.

(Izmjena člana 9.)

- (1) U članu 9. stav (2) riječi: " do 15. aprila" zamjenjuju se riječima: " do 31. marta".

- (2) U stavu (6) riječi: " do 01. juna" zamjenjuju se riječima: " do 15. aprila".

##### Član 4.

(Izmjena člana 12.)

U članu 12. stav (2) tačka b) podtačka 1) broj "1.000.000,00 KM" zamjenjuje se brojem "2.000.000,00 KM".

##### Član 5.

(Izmjena člana 13.)

U članu 13. stav (2) mijenja se i glasi:

- "(2) Komisija ima sedam članova, i to:

- a) državni službenik koji rukovodi organizacionom jedinicom Zavoda, predsjednik;
- b) državni službenik koji rukovodi organizacionom jedinicom Ministarstva finansija, zamjenik predsjednika;
- c) državni službenik koji rukovodi organizacionom jedinicom Ministarstva komunalne privrede, infrastrukture, prostornog uređenja, građenja i zaštite okoliša, član;
- d) državni službenik koji rukovodi organizacionom jedinicom Ministarstva saobraćaja Kantona Sarajevo, član;
- e) državni službenik koji rukovodi organizacionom jedinicom Ministarstva privrede Kantona Sarajevo, član;

- f) najmanje jedan član iz reda istaknutih stručnjaka iz oblasti analize i ocjena investicija, član;
- g) državni službenik koji rukovodi organizacionom jedinicom Grada Sarajeva - Gradske uprave, član."

Član 6.

(Novi čl. 14a. i 14b.)

Iza člana 14. dodaju se novi čl. 14a. i 14b. koji glase:

"Član 14a.

- (1) Rukovodilac organa koji je zadužen za implementaciju projekta donosi akt kojim imenuje tim za implementaciju projekta u okviru jedinice za implementaciju projekta, te isti dostavlja Federalnom ministarstvu finansija - financija u roku od 15 dana od dana donošenja akta.
- (2) Aktom iz stava (1) ovog člana rukovodilac organa imenuje voditelja projekta, specijalistu za finansije, specijalistu za nabavke, te ako je potrebno, ostale stručnjake ili osobe koje će sudjelovati u implementaciji projekta uz naznaku njihove funkcije u projektu. Za voditelja projekta može biti imenovana samo osoba koja ima status državnog službenika, odnosno zaposlenika organa koji je zadužen za implementaciju projekta.
- (3) U aktu iz stava (1) ovog člana navode se zadaci i odgovornosti članova tima za provedbu projekta, te obaveza obavljanja zadataka u projektu na stručan način, u skladu sa pozitivnim zakonskim propisima i uputama voditelja projekta.
- (4) Rukovodilac organa koji je zadužen za implementaciju projekta, odnosno osoba koju on za to ovlasti daje odobrenje za odlazak na službeno putovanje voditelju projekta i drugim osobama iz projektnog tima radi izvršenja zadataka u okviru projekta.
- (5) Članovi tima za provedbu projekta koji nisu u radnom odnosu kod organa zaduženog za implementaciju projekta imaju pravo na naknadu za rad na provedbi projekta i naknadu troškova povezanih sa službenim putovanjem u okviru projekta.

Član 14b.

- (1) Organ zadužen za implementaciju projekta koji je federalni budžetski korisnik, podnosi zahtjev Ministarstvu finansija za dodjelu i otvaranje koda projekta u Budžetu Federacije BiH na kojem se osiguravaju sredstva potrebna za implementaciju projekta.
- (2) Sljedeći troškovi nisu prihvatljivi za plaćanje iz sredstava odobrenih za provedbu projekta:
  - a) kupovina putničkih automobila,
  - b) troškovi pravnih sporova (troškovi sudskih i vansudskih sporova),
  - c) kazne, zatezne kamate, troškovi povezani sa stečajem i likvidacijom,
  - d) troškovi reprezentacije, uključujući darove,
  - e) troškovi za dobrovoljna osiguranja, jednokratne pomoći i sl.,
  - f) troškovi sponzorstva,
  - g) ostali troškovi koji nisu neophodni za provedbu projekta."

Član 7.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-8837-4/23  
06. aprila 2023. godine  
Sarajevo

Po ovlaštenju premijera  
Ministar  
**Emir Dedović**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo"), broj

36/14 - Novi prečišćeni tekst i 37/14 - Ispravka), Vlada Kantona Sarajevo, na Drugoj sjednici održanoj 06.04.2023. godine, donijela je

## ODLUKU

### O IMENOVANJU PREDSEDNIKA I ČLANOVA KOMISIJE ZA IZBOR I IMENOVANJE NA UPRAŽNJENE POZICIJE PREDSEDNIKA I ČLANOVA U ŠKOLSKIM ODBORIMA SREDNJIH ŠKOLA KAO JAVNIH USTANOVA NA PODRUČJU KANTONA SARAJEVO ČIJA KONAČNA IMENOVANJA VRŠI VLADA KANTONA SARAJEVO

#### I

U Komisiju za izbor i imenovanje na upražnjene pozicije predsjednika i članova u školskim odborima srednjih škola kao javnih ustanova na području Kantona Sarajevo, čija konačna imenovanja vrši Vlada Kantona Sarajevo (u daljem tekstu: Komisija), imenuju se:

1. Lamija Husić - predsjednica,
2. Mina Pleh - članica,
3. Olivera Hasković - članica,
4. Fahira Kalajdžisalihović - članica,
5. Kemal Salić - član.

#### II

Zadatak Komisije je da pregleda sve prijave koje su pristigle u propisanom roku navedenom u Javnom konkursu za izbor i imenovanje na upražnjene pozicije predsjednika i članova u školskim odborima srednjih škola kao javnih ustanova na području Kantona Sarajevo, čija konačna imenovanja vrši Vlada Kantona Sarajevo i provede postupak predviđen za imenovanje u skladu sa članom 142. Zakona o srednjem obrazovanju ("Službene novine Kantona Sarajevo", br. 23/17, 30/19 i 33/21), odredbama Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), te Odlukom o standardima i kriterijima za nominovanje/imenovanje na pozicije predsjednika i članova školskih odbora srednjih škola kao javnih ustanova, čija konačna imenovanja vrši Vlada Kantona Sarajevo ("Službene novine Kantona Sarajevo", br. 41/17, 23/22 i 14/23).

#### III

Komisija će zadatak iz prethodne tačke ove odluke, obaviti najkasnije u roku od 60 dana od dana prispjeka posljednjeg materijala, relevantnog za okončanje procedure.

#### IV

Naknada za rad članova Komisije utvrdit će se u skladu sa Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20).

#### V

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-8837-9/23  
06. aprila 2023. godine  
Sarajevo

Po ovlaštenju premijera  
Ministar  
**Emir Dedović**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 14. stav (4) Zakona o izvršavanju Budžeta Kantona Sarajevo za 2023. godinu ("Službene novine Kantona Sarajevo", broj 15/23) i Zaključka Vlade Kantona Sarajevo, broj 02-04-5267-1/23 od 23.02.2023. godine Vlada Kantona Sarajevo, na Drugoj sjednici održanoj 06.04.2023. godine, donijela je